

---

## Риштон туманида 3 минг 941 нафар сайловчи муддатидан олдин овоз берди

Риштон туманида 3 минг 941 нафар сайловчи муддатидан олдин овоз берди

Риштон туманидаги 70 та сайлов участкасида президентлик сайловида муддатидан олдин овоз берганлар овоз беришнинг дастлабки олти кунида 3 минг 941 нафарни ташкил қилди.

Маълумки, сайлов куни ўз яшаш жойида бўлиш имкониятига эга бўлмаган сайловчи муддатидан олдин овоз бериш ҳуқуқига эгадир. Сайловчи сайлов кунидаги бўла олмаслигининг сабаблари (таътил, хизмат сафари, хорижга чиқиш ва ҳоказо) кўрсатилган ариза асосида муддатидан олдин овоз бериш ҳуқуқидан фойдаланади.

Бу йилги Президент сайловида муддатидан олдин овоз бериш 2021 йил 14-20 октябрь кунларига белгиланган бўлиб, сайлов куни ўз яшаш жойида бўлмайдиган сайловчилар соат 9:00 дан соат 19:00 га қадар ўзлари рўйхатга олинган сайлов участкасига бориб, муддатидан олдин овоз беришлари мумкин.

Риштон тумани худудидаги сайлов участкаларида ҳам муддатидан олдин овоз бериш жараёни давом этмоқда. Муддатидан олдин овоз бериш бошланган кун — 2021 йилнинг 14 октябрь кунидан 19 октябрь куни кечгача туманда овоз берганлар сони 3 минг 941 нафарни ташкил қилган.

Маълумот учун, президентлик сайловида тумандан 120 минг 954 нафар сайловчи иштирок этиши кутилмоқда.

Эслатиб ўтамиз, овоз берилган блюттенлар конвертга жойланиб, комиссия аъзолари имзоси қўйилгач, сайлов участкаси муҳри босилади ва маҳсус сейфга солиб қўйилади.

2021-10-20 12:20:26